



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 31. Diversæ Pauli V. Pontificis Constitutiones.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII.
A. C. 1608.

§. XXXI.

*Diversæ Pauli V. Pontificis Con-
stitutiones.*

*Bullar.
Magn. Const.
Pauli V.
Bullar. Car-
mel. t. 4.*

Irrepentibus hinc inde corruptelis Paulus V. Pontifex Maximus discipline Ecclesiasticæ vigorem conservare sollicitus, varias hoc anno edidit Constitutiones, & quidem die septima Januarii inhibuit, ne Fratres Prædicatores pro obtinenda Magistri Generalis dignitate ad exterorum patrocina recurrerent: cum autem Henricus IV. non modo novum Ordinem militare Beatissimæ Virginis de Monte Carmelo obtento Pontificis diplomate erexisset, sed insuper Ordinem Sancti Spiritus ad Catholicæ fidei exaltationem etiam extra Franciæ Regnum diffundi cuperet, *juratis* vero præfatæ militiæ statutis cautum esset, ne exteri in Milites reciperentur, hinc Pontifex die decima sexta Februarii ad Regis preces ejusmodi juramentum relaxabat: quò indulto fretus Rex, Alincurtio, suo apud Sanctam Sedem Oratori negotium dabat, ut suo nomine die decima quarta Martii hoc anno Alexandrum Sfortiam, & Joannem Antonium Orsinum ambos primæ Nobilitatis Romanæ Duces in Ecclesia Sancti Ludovici hujus Ordinis insignibus Romanæ

Sæc. XVII. A. C. 1608. dinem redire compellerentur. Fulien-
 sibus vero die decima quarta Augusti concessit, ut nova Monasteria de sola Ordinariorum licentia, nullo aliorum cujusvis Ordinis etiam Regularium requisito consensu construere valeant. Die autem prima Septembris declarabat, quod cujuscunque conditionis Mulieribus, quæ plura Monasteria Monialium bis vel amplius per annum ingrediendi licentiam obtinuerunt, ea aliter uti non possint, nisi ut universim toties, non autem in singula ingredi valeant. Præterea die decima quinta Octobris declarabat Pontifex, quod Cappucini sint vere Fratres Minores, etsi tempore Sancti Francisci instituti non fuerint. Denique motu proprio Carmelitarum excalceatorum Congregationem sub invocatione Sancti Pauli pro Missionibus obeundis erexit, dato desuper diplomate die vigesima secunda Julii.

§. XXXII.

Aliæ decisiones Pontificis auctoritate promulgatæ.

Decis. S. Congreg. Rit. & S. Congr. Jud. & Concil. Plura alia, quæ eo tempore circa Ecclesiæ ritus vel Sacramentorum administrationem occurrerunt, dubia a Sacris Congregationibus decidi præcepit Pontifex, & quidem die nona Februarii